

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 03/2-31-1-3119/16  
Bihać, 22.11.2017.godine  
RH/RH

Na osnovu člana 183. stav 2. Poslovnika Gradskog vijeća Bihać („Službeni glasnik Grada Bihaća“ br.3/16), a u vezi sa članom 52. stav 1. tačka a) Statuta Grada Bihaća („Službeni glasnik Grada Bihaća“, br.13/15) Gradonačelnik u svojstvu predlagača propisa i drugih akata

**ODREĐUJE**

Izvjestioca: Indiru Semanić, dipl. pravnik, na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje kablovske transformatorske stanice TS 10(20)/0,4 kV "Livadska 2" 630 kVA, Grad Bihać.

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za imovinsko-pravne poslove  
i katastar nekretnina

Broj: 03/2-31-1-3119/16  
Bihać, 22.11.2017.godine  
RH/RH

GRADSKO VIJEĆE  
GRADA BIHAĆA

- o v d j e -

**PREDMET:** Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje kablovske transformatorske stanice TS 10(20)/0,4 kV "Livadska 2" 630 kVA, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać, dostavlja se

U skladu sa odredbom člana 35. stav 1. tačka c. Statuta Grada Bihaća („Službeni glasnik Grada Bihaća“, br.13/15), a u vezi sa članom 183. stav 2. Poslovnika Gradskog vijeća Bihać („Službeni glasnik Grada Bihaća“ br.3/16), u prilogu Vam dostavljamo prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje kablovske transformatorske stanice TS 10(20)/0,4 kV "Livadska 2" 630 kVA, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać.

**O B R A Z L O Ž E N J E**

**I PRAVNI OSNOV**

Pravni osnov za donošenje Odluke o utvrđivanju javnog interesa sadržan je u članu 14. stav 4. Zakona o eksproprijaciji („Službene novine Federacije BiH“, br.70/07, 36/10, 25/12 i 34/16) kojim je utvrđena nadležnost Gradskog vijeća za donošenje Odluke o utvrđivanju javnog interesa za izgradnju objekta ili izvođenje radova na području općine na čijem se području namjerava graditi objekat ili izvoditi radovi u skladu sa planskim dokumentima

prostornog uređenja, te u članu 35. stav 1. tačka c. Statuta Grada Bihaća („Službeni glasnik Grada Bihaća“, br.13/15) kojim je utvrđena nadležnost Gradskog vijeća za donošenje odluka i drugih općih akata kojima se uređuju pitanja iz samoupravnog djelokruga Grada i daje njihovo tumačenje.

## II RAZLOZI DONOŠENJA

JP „Elektroprivreda BiH“ d.d. Sarajevo, Podružnica „Elektrodistribucija“ Bihać putem Službe za imovinsko-pravne poslove i katastar nekretnina podnijelo je prijedlog Gradskom vijeću za donošenje Odluke o utvrđivanju javnog interesa za potpunu eksproprijaciju nekretnina u svrhu izgradnje kablovske transformatorske stanice TS 10(20)/0,4 kV "Livadska 2" 630 kVA, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać.

Razmatrajući prijedlog i priložene dokaze, utvrđeno je da je na zahtjev JP „Elektroprivreda BiH“ d.d. Sarajevo, Podružnica „Elektrodistribucija“ Bihać nadležni organ donio rješenje broj:03/1-23-1-1460/15 od 13.10.2015.godine kojim se daje urbanistička saglasnost za izgradnju kablovske transformatorske stanice TS 10(20)/0,4 kV "Livadska 2" 630 kVA, Grad Bihać, na nekretninama navedenim u Odluci.

Odredbom člana 14. stav 4. Zakona o eksproprijaciji („Službene novine Federacije BiH“, br.70/07, 36/10, 25/12 i 34/16) regulisano je da Odluku o utvrđivanju javnog interesa za izgradnju objekta ili izvođenje radova na području Grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, a kako za predmetno područje nije donesen regulacioni plan ili urbanistički projekat, ispunjeni su uslovi da se javni interes utvrdi na osnovu Odluke Gradskog vijeća.

Obzirom da kapacitet sadašnje mreže ne zadovoljava potrebe potrošača, te da bi se izvođenjem radova na izgradnji kablovske transformatorske stanice TS 10(20)/0,4 kV "Livadska 2" 630 kVA poboljšale usluge vezane za snabdjevanje građana električnom energijom koja je u savremenom društvu bitan segment društvenog i ekonomskog razvoja, smatram opravdanim donošenje Odluke o utvrđivanju javnog interesa i predlažem da se ista usvoji u prezentiranom tekstu.

### III FINANSIJSKA SREDSTVA

Za realizaciju ove Odluke korisnik eksproprijacije, JP Elektroprivreda BiH d.d. Sarajevo Podružnica „Elektrodistribucija“ Bihać, obezbjedio je finansijska sredstva.

Postupak vodila:  
Husak Ramiza

Dostaviti:  
1) Naslovu  
2) a/a

Gradonačelnik  
Šuhret Fazlić

Na osnovu člana 14. stav 4. Zakona o eksproprijaciji („Službene novine Federacije BiH“, br.70/07, 36/10, 25/12 i 34/16) i člana 35. tačka c) Statuta grada Bihaća („Službeni glasnik Grada Bihaća“, br.13/15), Gradsko vijeće Bihać na \_\_\_\_\_ sjednici održanoj dana \_\_\_\_\_ godine, d o n o s i

## O D L U K U

o utvrđivanju javnog interesa za potpunu eksproprijaciju nekretnina u svrhu izgradnje kablovske transformatorske stanice TS 10(20)/0,4 kV "Livadska 2" 630kVA, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać

### I

Utvrđuje se da je od javnog interesa izgradnja kablovske transformatorske stanice TS 10(20)/0,4 kV "Livadska 2" 630kVA, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać, te da se u tu svrhu može pristupiti potpunoj eksproprijaciji nekretnina označenih kao:

- k.č.br.3502/2 zv. „Kalajdžina njiva“, ulica u površini od 31 m<sup>2</sup> upisana u Pl br.4894 k.o.Bihać-grad po novom katastarskom operatu, posjed JP „Željeznice Federacije BiH“ d.o.o. Sarajevo sa dijelom 1/1, odnosno k.č.br.3502/2 zv. „Kalajdžina njiva“, ulica u površini od 31 m<sup>2</sup> upisana u zk.ul.br.11082 k.o.Bihać-grad po starom katastarskom operatu, Javno dobro sa dijelom 1/1;

- k.č.br.3285/2 zv. „Ul. I Krajiškog odreda“, ulica u površini od 7 m<sup>2</sup> upisana u Pl br.1323 k.o.Bihać-grad po novom katastarskom operatu, društvena svojina, javni nekategorisani putevi sa dijelom 1/1, odnosno k.č.br.3285/2 zv. „Ul. I Krajiškog odreda“, ulica u površini od 7 m<sup>2</sup> upisana u zk.ul.br.11826 k.o.Bihać-grad po starom katastarskom operatu, Javno dobro sa dijelom 1/1.

### II

Utvrđuje se da je JP „Elektroprivreda BiH“ d.d. Sarajevo, Podružnica „Elektrodistribucija“ Bihać korisnik eksproprijacije zemljišta iz tačke I ove Odluke.

### III

Protiv ove Odluke može se pokrenuti upravni spor podnošenjem tužbe Kantonalnom sudu u Bihaću u roku od 30 dana od dana prijema Odluke. Tužba se podnosi neposredno sudu.

Gradsko vijeće

Broj: \_\_\_\_\_

Bihać, \_\_\_\_\_

Predsjedavajući Gradskog vijeća

Davor Župa